



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Iustitia || Britannica,|| Sive || Anglica,|| Qvae Contra
Chri-||sti Martyres Conti-||nenter exercetur**

Sander, Nicholas

Ingolstadii, 1584

VD16 S 1610

Fides Et Sententia Thomæ Mori, de Primatu Romanæ Ecclesiæ, quam
fidem sanguine suo pro Ecclesia Dei fuso, confirmavit.

urn:nbn:de:hbz:466:1-11272

FIDES ET SENTENTIA THOMÆ Mori, de Primatu Romanæ Ecclesiæ, quam fidem sanguine suo pro Ecclesia Dei fuso, confirmavit.

THOMAS MORVS pro Regis Hērici VII. Catholico libello, quem is de Sacramentis contra Lutherum ediderat, in eundem Lutherum scribens: Vt Romanæ, inquit, sedi obedienter obtemperem, cum illa mouent omnia, quæ docti, sanctiq; in eam rem collegerunt: tū illud profectò non mouet minimè, quod toties sumus experti, non modò neminem inimicum fuisse Christianæ fidei, qui non illi sedi bellum simul indixerit, sed etiam neminem vnquam exstitisse, qui se professus sit eius sedis inimicū, quin idem paulò post se declararit insigniter, Christi, & religionis nostræ capitaliter hostem & proditorem esse. Valde me mouet & illud, quod si ad istum modum hominum vitia imputentur officiis: non modò non consistet Papatus, sed & Regnum, & Dictatura, &

B s

Consu-

Consulatus, & omnis omnino Magistratus corruet, & erit populus absq; Rectore, sine lege, & ordine. Quæ res si aliquando contingat, id quod aliquot Germaniæ locis videtur imminere: tum demum magno cum damno sentiēt, quantò magis intersit mortalium, vel malos habere Rectores, quàm nullos. Certè quod ad Papam pertinet, quid mali fuerit caruisse, novit Deus, qui eum suæ præfecit Ecclesiæ; nec optandum puto, ut res Christiana periculo perdiscat. Quantò magis optandum, ut tales Deus faciat esse Pontifices, quales è re Christiana, & Apostolici muneris dignitate fuerit, ut sua sponte contemptis diuitiis & terrenis honoribus, toti cælum spirent, pietatem in populo promoveant, pacem procurent, & auctoritatem quam acceperunt à Deo, adversus mundi Satrapas, & robustos Venatores exerceant, diris omnibus persequentes, & tradentes Satanae, si quis aut alienam ditio- nem inuadat, aut malè tractet suam, brevis sentiret Christianus orbis ab uno aut altero tali Pontifice, quantò fuerit satius emendari Papas, quàm auferri. Nec dubium est, quin
iam.

iam olim Pastorem sui gregis respexisset Christus, si Christianus populus salutem patris potius precari quàm persequi, & nuditatem patris tegere, quàm pudenda ridere maluisset. Sed non deferet Luthere vicarium suum Deus, respiciet aliquando, & nunc fortasse respicit, quum patrē dolore quem patitur à perditissimo filio flagellat. Nam planè te, Luthere, puto flagellum Dei esse, magno sedis illius bono, magno tuo malo.

Nec satis huic sancto viro fuit, Romani Primatus causam scriptis suis hunc in modum defendisse, nisi etiam unā cum Roffensi animam pro fratribus poneret. Quod tanta constantia fecit, ut ne carissimæ quidem filiæ conspectu, quæ illi iam ad mortem properanti occurrit, à proposito abduci posset.

MORVS autē cū & ex Lutheri defectione admoneretur, & longè antè prospexisset, quo Regis cōsilia tēderent: toto septēnio (quod ipse fatebatur) huic causæ operā dedit, ut cognosceret, atq; ex Scripturis sacris, omniq; antiquitate repeteret, qd de vniūsummi Pastoris,

AUB.

aut de Romani Pontificis Primatu perscriptio
esset. Cumq; nihilo eo viro ingeniosius, nihil do-
ctius, nihil sanctius in terris ageret, post se-
ptennium in ea quaestione positum, dicebat: Se
Pontificis Romani Primatum semper quidem
coluisse, velut rem orbi Christiano summè ne-
cessariam: illud tamen examinandum eate-
nus non putasse, utrum diuino, an humano iu-
re niteretur. Nunc autem se nihil dubitare,
quin diuino iure is Primatus institutus &
stabilitus fuisset. Ac de ingenio quidem & do-
ctrina Mori tum ipsius libri, tum Erasmus
Roterodamus praclarissimum testimoniū di-
cunt. Sanctitatis verò id unum insigne speci-
men esto.

Cum humanioribus literis & legibus An-
gliae municipalibus operam ab ineunte aetate
dedisset, atq; à conditione mediocri per omnes
honorum gradus ad summam Cancellariae, seu
Praetoris Urbani Praefecturam peruenisset, a-
deò ut Princeps Senatus, Regni moderator,
ac Regi proximus esset, duasq; ordine uxores,
ac liberos aliquot haberet: tamen in tot Magi-
stratibus administrandis, tot annis versatus,
ac

ac

ac in tanto splendore agens, non auxit facultates suas, usq; ad annuos redditus centum aureorum. Qua una ex re meritò coniicias, quātam in omni virtutis genere laudem promeruerit. Qui enim cū facillimè id posset, tamē post aurum non abiit, nec speravit in pecunia thesauris: hic est Thomas Morus & laudabimus eum. Fecit enim mirabilia in vita sua. Sed mirabiliora in morte. Maiorē enim charitatem nemo habet, quā ut ponat animam suam pro fratribus suis. Ioan. 15.

Eandem Primatus Romani causam Abelus & Po vuellus presbyteri, Forestus ordinis Minorum frater, Reginaldus Brigittensis, Carthusiani octodecim, & Laicus quidam nomine Germanus, aliq; complures Angli, sub Henrico Tyranno, sanguine suo tutati sunt, iidemq; martyriū palmā adepti. Iam diu enim Capitale in Anglia fuit, Romanum Pontificem Christi Vicarium confiteri.

Catharina uxor Henrici VII. cū videret se per iniustissimam Archiepiscopi Cantuariensis sententiam à Regis consortio separari, ad Pontificem Romanum Clementem Septimum

ptimum prouocauit, qui diuortium illud iniquè tentatum esse, matrimonium verò legitimum fuisse, deliberatione prius cum omnibus orbis Christiani Academiis habita, pronuntiauit.

CARDINALEM POLVM, ET
libros doctissimos conscripsisse, & damna maxima pertulisse, & labores grauissimos subiuisse, pro Ecclesiæ Romanæ Primatu.

REGINALDVS Polus Cardinalis, pro unitatis Ecclesiasticæ defensione, quatuor libros ad Henricum VIII. eiusdem unitatis in Anglia euersorem conscripsit. In quorum secundo ait: Deum ita voluntatem suam Ecclesiæ patefecisse, ut nomen hoc nouum Ecclesiæ dederit (Isa. 62.) vocaberis voluntas mea in ea. Interroga ergo maiores tuos (Deut. 32.) & dicent tibi, Petrū accepisse à Christo Christi in terris locum, capitis locum in Ecclesia, cui qui succedūt Romani Pontifices, eundē locū teneāt.

Post